

影印

文淵閣四庫全書

第一一六九冊

北京出版集團公司  
北京出版社

# 本冊目次

山房集

宋周南撰……………一

後

藁

橘山四六

宋李廷忠撰……………一三三

竹齋詩集

宋裘萬頃撰……………四二三

附

錄

後樂集

宋衛涇撰……………四六三

欽定四庫全書

集部  
山房集卷二

詳校官庶吉士臣翁樹培

主事臣呂雲棟覆勘

謄錄監生臣尹大謙

謄錄貢生臣湯達泰

欽定四庫全書

集部四

提要

山房集九卷

別集類三 宋

臣等謹案山房集九卷宋周南撰南字南仲

吳郡人淳熙庚戌登甲科官至秘書省正字

再以薦入詞館皆不久罷去遂以殿廷所授

文林郎終焉宋史藝文志有周南山房集五

卷卷目多寡迥異今檢永樂大典所載有題

欽定四庫全書

山房集  
提要

山房集者亦有題山房後藁者與陳氏著錄

之本合知宋志五卷之目乃傳寫脫訛不足

據也惟永樂大典所錄篇帙無幾當由刪薙

太甚故佚去者多今但就其存於今者各依

原目釐為前集八卷後藁一卷以畧存其舊

南長于四六以俊逸流麗見稱制誥諸篇尤

得訓詞之體其初入館也葉適實薦之考吳

子良荆溪林下偶談有云開禧用兵韓侂胄

欲以葉適直學士院草詔適謝不能既而衛溼

被命草云百年為墟誰任諸人之責一日縱

敵遂貽數世之憂溼見適舉似誤為墟為成

墟他日周南至適告以溼文字近頗長進然

成墟字可疑南愕然曰本為墟字何改也適

方知南實代作因薦其宜為文字官遂召試

館職蓋即其事按此四語今在南所作秦檜

降爵易諡勅中則當時已載入已集足徵其

不能割愛而勅內別有兵于五材誰能去之

臣無二心天所制也數語亦極為王應麟所

激賞是其織組之工膾炙人口尤可以概見

矣集中又有諸書題跋二十餘則與館閣續

書目體例相近疑亦在館校勘時所作又雜

記數十條多述宋代故事間或直錄古書之

文無論斷疑本別有說部附于集內而為永

樂大典所割裂今無可叅證姑仍其原文錄

之云乾隆四十六年九月恭校上

總纂官臣紀昀 臣陸錫熊 臣孫士毅

總校官臣陸費墀

欽定四庫全書

山房集卷一

宋 周南 撰

五言古詩

季春

三月二  
十四日

初篁欲迸籜晚風微過之斑苞初委地永與琅玕辭  
生五丈高鳳吹鳴參差墮籜膜已朽不恨見竹遲物成  
亦太艱搔絕誰當奇誓同初生竹長護幽貞姿

暮春

欽定四庫全書

山房集  
卷一

茲辰如飀車其行靡脫轂春無十日妍見此條蔓綠蒼  
苔拾落花天膏尚如沐足身豈不好反覆看已熟惟有  
白石子粲粲菖蒲斛

八月七日與吳沈二道人同過書塢時山堂初  
成

啓陽收晶熒清觴度林彙坡陀認槿籬屋角初塗墜入  
門露蔭竹走鞭土為沸摘藥尚小蒞菊柄已幽殺少紆  
跌坐筋漸出穹隙味疎叢石貞瘦密樾塵髣髴成余獨

往願勞我慈親費親年合幾何倏已近喜畏我髮白滿  
把晚食遲下胃一歲能幾來每來時自慰不雨已經旬  
長道熠燿蜚竹檐出山泉草根坐土氣長願居此勞州  
里未為貴

咏史

客嬰義主臣銷骨事未竟白友讎誥責斯義在項領惟  
白秉純心遑恤身後事惟嬰抱遺育不以後死愧嗟乎  
古人達樹德見哀則並驅不同達存歿事願畢茲事亦  
大難義竭斯近仁孤成死不死太息難重陳

博雞

慶元夏四月所至喧博雞小市車不通引首望其達雞  
籠三尺高雞價千錢提苦云輸錢少取取關樣歸小兒  
博手短顛走歌呼齊搜携遍村墅往往空其棲或買鵝  
代之亦取雞為辭僕夫告我言官人那未知聚歟已跨  
日來初知為誰余無五行學覺有纖芥疑老距不可矐  
利甯長安施更訝十錢片一博多得之歸尋故老問始

云眼見希因之互猜愕傳來又夸叱或謂近雞禍或言雞者饑歲行將在酉事應恐在亥聖明攸好德百祲潛光輝蠢茲朱衣者萬萬不關時但疑一種類爭雄無兼雌更恐坊市內相望野雞啼豈將有微沴神者預啟其乖風感乖氣朗鑒尚表微人言良過矣邦禁亦未非我欲效風人聊賦博雜詩

七言古詩

呈趙蹈中

欽定四庫全書

山房集  
卷一

三

趙子面白如玉傥定須逃得文儒餓經年憶破古人心近日妹夫初病可忽然到門已驚駭令我失喜多兩拜君來看我還看親我顧不能君莫怪自云曾見杭州火說著紅湖先淚墮水衡支散新鑄錢詔書未御正朝坐向來送我龍泉器秋色新蔬恰相似且將濁酒慰營魂多留幾日論文宇取詩須取杜正傳尋到岑參高適邊轉處正須寬一步只今且向晚唐前

卓文君

西京雜記載司馬相如將聘茂陵人以為妾卓文君作白頭吟以自絕因推其意為文君怨

曠代佳人十六七膚如凝脂髮抹漆芙蓉為臉玉為容淡拂眉尖遠山色夜梧月落秋夜長孤鶯三疊傳高堂瑣窻認得琴心怨直恐韶華不得當瑤環潛送慙慙意只今猶記來時事殺身不贖父兄羞圖得歲寒成共蒂陽昌市裏鸛鵲來鸞鑑相看未白頭試拈玉軫攏金撥新聲比似舊聲愁世間思愛何時盡流水落花皆往恨不愁歸避茂陵人羞逢往日臨邛令鴛鴦並翅雙飛宿欲話衷腸歌不足古來應有白頭吟誰念妾身今再辱

五言律詩

十月十日立冬

立冬前一夕牀地起寒風律呂看交會衣裳出褚中懽  
癘時作懽懷抱歲將終汗手汗牙筆晴簷共禿翁

點朱二  
十年矣

余有  
手筆



入梅

地濕衣生黳天涼葛未裁  
暴暄偏壞藥微灑似成梅  
苦筍相將盡良朋久不來  
若無書作伴那得好懷開

石湖

作者看胃臆冷然接大荒  
雲溪收浩蕩海觀度滄涼  
故國餘丘壑春船落艸陽  
百年看俯仰越燕又空梁

姑蘇臺

輟杵餘千禩叢臺比舊都  
冰花銷淚瓦組練入瀟湖  
浩蕩春風在荒亡霸業無  
往來吳父老藉草話城郭

欽定四庫全書

山房集

五

庭燎

種髮看如約松明又送寒  
頗哀鰥老健慨我獲薪乾  
小市街聲沸明河小霧漫  
賣癡兒女喚更作夜來看

讀史

條綜都遺忘緒收亂貯儲  
據梧甘舐滯撫卷涉伸欬  
老去從螢檠昏來著茗祛  
緬懷千載上知讀幾年書

登閭闔城

閭闔開城郭東南見此州  
尊安山體莫柔靜土田收  
易野曾興國崩臺早得秋  
閒民無職事力食愧鋤耰  
代食

秋日步至湖桑棗西

伏枕衰方劇撻筇氣忽增  
細泉鳴暗竇疎樹映孤燈  
斷鴈寒依渚長魚健脫罾  
行纏已無用却作在家僧

賦里人亭前三立石

昔人藏巧拙收拾老亭雲  
雨溜漫天鑿年侵見石心  
支撐非爾力秉執儼如臨  
亦有渾渾氣唯嗟骨未任

欽定四庫全書

山房集

六

山居晚步

蔬腸消穀暖拄杖出林深  
懷背斜陽在蛩聲暮氣侵  
崗巒舒伏脉松菊會歸心  
墟落函寒早山曛日未沉  
田父為子

言陽山外日夕尚未昏黑不比尋常日落山便夜言陽山能隔日

步擔腰鎌急平疇漚稻稀  
水雲漫白道炷竈起青霏  
縫塔隨煙暝巢鳥擇木飛  
年豐閒止少乘屋匠人歸

山居

燭火燒烏桕敲冰煮石楠  
烈風冬日夜短褐野人菴  
麥

地宜秧穀香藥記接柑山中無熱具日影漸移南

一本雲物

照農

### 山家

小麥連湖熟黃梅作彈飛穿林青犢過觸柁白魚肥子

男輸絹急姑婦插秧歸枳花茶似雪留客共湘瓷

一作新茶

新出焙 案此詩後半脫粘結句亦出 韻疑有錯誤今無別本可校姑存其舊

### 驅儺

高明紆鬼責與漂費誰何兒女今無恙街坊又進儺流

欽定四庫全書

山房集 卷一

年熒惑過

一作磔 田峻少

隊仗

一作閭巷

史巫多求福吾能記門

前不用呵

### 奉問座主丘侍郎

早歲虛仁鑒頻年濶素書斯文誰後死甲子正安居公

館初陽動江沙海氣於近傳肝液少歲晚更何如

故老淒其甚嗟余尚庶幾勲庸遲琬琰顧盼有晶威伯

氏供為子諸生記攝衣淒涼葑菲恨圖得誨言歸

### 送鄰守邂逅祭酒李公

早作將吳守臨分御李侯清醇瞻耆老省素共晨羞鄉  
里終全活人家更小留腐儒疎懶意白水看行舟

### 懷友人趙蹈中

妙質端能勁除官正爾遲和歌誰與共摻別可無饑俗

學訾豪奪家人怨絕癡相看又秋暮未敢嘆余衰

虛想憐神怒端頤護暑侵父兄寬衆責寢飯驗初心夜

氣收肝膈晨窓得笑吟生年推我長藝殖可能深

### 孟良甫別一歲無書有懷寄之

欽定四庫全書

山房集 卷一

孟氏好兄弟相從隣巷居一窮吾得恣千里意何如夜

雨看僮僕家兒不詈予豐年民瘼少莫厭故人書

### 示子

編軸初粘飾憲堂畧淨蠲師前無脫履弟幼與隨肩苦

秦休多食精締不耐捫避明吾語汝欲睡更來前

### 聞館客病侵曉得小馬亟歸

濛濛露氣白耿耿東方明馬捉步猶碎烏營食又鳴倏

過黃峴嶺遙見闔閭城欲問兒曹懶前虞祿命輕



哭同年友馮校書

叔常雙髻骨容死漢江中憶昨煩憂甚知吾友道窮遠  
遊那知已即願得純終他日論已產東西有二馮  
病父沈孳久扶行未有孫寡妻持醪酒巴月旅歸魂摧  
落收威暑兢危過峽門銘旌今遠近到日敗垣存

五言排律

偕蹈中過書塢歸二十韻

我塢須君到茲行說幾時喜來衣裏少勇出岸頭維篙

欽定四庫全書

山房集  
卷一

九

節探渠溜燈籠上酒甌亂蛙嘈沮如警犬候芭籬闕白  
瞻林罅排蒼架月規幹締孺易透潔榻帚難施落彈如  
梅熟拋簪似筍遺橘包收夕潤杉彩漾朝曦漆梳湖魚  
瑩窰甌釜粥糜施肩高木蔭安膝下亭茨散地今茲見  
荒蹊過者誰詭求諸老記留下故人詩憊幹宵中復佳  
眠旦起遲衣篝寬女送藥劑切兄暨僕點昏來宸船椿  
泊定移句材當面逼天巧古人窺還往楓橋路低徊泰  
伯祠比君多數歲把卷憶吾師八月登杭稻西風理釣

絲未嫌墟曲小來赴野塘期

余杜門兀坐三年壬申六月九日出弔平望歸  
途阻風第四橋余曰是持偶相值爾不然豈造  
物者出門即相料理耶舟人曰然因識之

地借沮龍宅隄橫海蜃樓馬蹄翻震電沙嘴更生洲雲  
壑懸繩渡天風激箭抽濕霖平行沃暗井滅夫溝蹴起  
爭橋齒攏來似海鰲浪花將岸颭塔影聽桴浮却憶銜  
枚地曾驅縞練舟謾云天設險豈是水為柔無事人干

欽定四庫全書

山房集  
卷一

十

古逃榮茗一甌川靈工閱世翻覆幾時休

七言律詩

春日即事

料理清明天氣催攬先幾日柁船開六朝事往餘簪塔  
百草春回上舞臺巢燕爭迎華屋去海潮猶傍故城來  
主人兩鬢千絲雪更斲青冥出稚栽  
一本云殘面春山  
舊舞臺攬先幾日  
柁頭開一簪影落山頭塔千樹香吹巖下梅鳥入寒烟  
迷翠羽鳴呼宿雨長蒼苔主人兩鬢千絲雪更斲青冥

種雜  
栽

後過書塢夜坐

下駕官橋黃峴東二十五里名新豐慈竹色如蘆葦白  
石楠頂結櫻朱紅紙灰養火冬將盡跌坐看書暖漸融  
且蓄春雷歸地底放令晴雪滿山中

九日祁城外

清晨驅馬出重圍漸有狂花似小春草市豐年聲洩洩  
官河霽色水粼粼山林送老無子罪物色愁人逐歲新  
便擬移家去城郭可無萸菊慰慈親

欽定四庫全書

山房集  
卷一

十二

泛舟游虎丘

水遶朱門宿海槎山沉海月上晨霞鳥啼煙樹雨初歇  
鐘度雲楣日未斜僧俯劔池看貝葉人追寒食家楊花  
西子年侵丘谷換女牆還有舊宮鴉

過虎丘

勾吳霸業竟誰成留得崇丘歲一登玉鳳已隨黃壤盡  
鐵花空向碧潭凝

注闕閭金玉為虎屬東坡虎丘詩鐵花秀巖壁

空中有塔掀

鈴語臺上無僧喚石應踏盡蒼苔春老去但餘落日與

寒藤

孤埋孤骨已無成

吳語

春去春來幾度登海湧名山真幻

出酒酣看劔已塵凝鷗陂人遠臺空在

內傳閭闔畫遊蘇臺村於鷗陂

鶯谷聲殘鳥倦應越絕興亡俱一夢為君同弔剡溪藤

文粹有弔剡溪藤文

晚出至湖桑埭

殘年孤寂不堪言時喚平頭駕短轅老氣猶能作羅臥  
壯懷誰復記鴻軒擢歌縹緲城西路烟樹參差埭北村

欽定四庫全書

山房集  
卷一

十二

堪笑怪奇消未盡夜來還夢屬橐籥

送林潮州

六月赴任

誰把科名誤寔君不教獻納近華勛一麾暫遠長安日  
六月先清瘴海氛馬首喜無龍吏問筆端應有鱷魚文  
明年勝日知無限還記江東日暮雲

乙卯之秋送項秘書倅池陽是時教官之闕尚在來春

在來春

諸老紛紛去不留之人也作翠微遊要看綠字封蒼蘚

須趁黃花插滿頭秋水隔人猶有恨春山得伴更何求

九華樓上新風月不學詩人賦隱憂

太白秋浦詩題詩  
留萬古綠字錦苔

生一作已到三山忽引舟去尋小杜翠微遊諸儒舊  
仰傳心學博士先寬血指蓋秋水隔人猶有恨春山得  
伴更何求明年勝日應  
無限不學詩人賦隱憂

### 送項倅

衡嶽山頭喚下來高人不肯住蓬萊先秋手得平分月  
當暑身無半點埃世事相逢休掛口吾儕一見且銜杯  
夜闌約立銀河表閭闔天門次第開

欽定四庫全書

山房集  
卷一

十三

昨者搜賢詔下來旌蒲紛選起蒿萊誰人肯厭承明直  
我輩休汙世俗埃天近須回宣室召時難倍愴渭城杯  
殷勤為誦江湖句少立斜陽舟未開

### 送江陵牧次對貳卿

夢斷江湖絕寄聲不圖猶見老成人白頭未覺相從晚  
青眼何繇此會頻

山谷詩寄  
聲何由頻

自古荆襄俱重鎮今公羊

陸是前身六千里地無非郭

郭今江  
陵縣

寬著恩波浸遠人

### 歲杪送同官趨朝

異縣飄零興已闌更來樓上說加餐不知壯日消磨已  
也似中年賦別難酒盡沙頭悲夜永書來日脚是春殘  
人生塗轍嗟何限好在分攜恰歲寒

### 謝友人見過

歲暮寒風易中人對床誰與話情真平生知我無如子  
此度相看又隔旬世味慣看如嚼蠟寒窗癡坐正凝塵  
只今便擬高軒過飲水毋嫌仲叔貧

### 和史君喜雨

欽定四庫全書

山房集  
卷一

十四

通宵奠玉乞移災閭闔天門午夜開屏翳不隨風伯住  
雷車爭逐阿香來送神曲奏爭加額

送神日道傍無  
不以手加額喜

雨詩成巧奪胎聞說阪田猶未插更須精意斡天回

蠶筐無葉不成眠眯眼黃沙障夢天誰遣爐煙生濕霧

立翻江水沃桑田電飛鄰壤同時事春入民襦賴吏賢

欲把豐年占覆斗寸心應向碧霄懸

百萬疲氓饑欲啼陰靈一夕靡雲旗殺芒綠潤沾天澤

梅子黃肥帶雨時薄宦經時誰舉手豐年重見且信眉

自至池  
兩見總  
諸生未用歌華黍得熟民貧未可知

### 挽耿侍郎

給事初為畿縣令姓名直徹阜陵前後來佩盡名藩印  
死去家無數頃田留與道塗歌長者未調鼎鉉合長年  
龔黃只取優稱去更有雲臺論百篇

### 同年葛簽挽章

杏園張飲上晴湖憶在團司識面初二紀年光何忽忽  
五更春夢已蘊蘊彩纓曾識飛鳧舄折獄爭馳薦鸛書

欽定四庫全書

山房集  
卷一

十五

可惜佳城紫蔓草只教綠水泛紅蕖

少年並馬曲江遊曾到慈恩塔上頭過眼流光真露電  
驚心宦海半沉浮君今又隔重泉夢世事嗟傷逝水流  
獨立東風數華髮不堪春草起離愁

### 挽秘撰趙郡運子固

舊學虛蒙一字褒暮年曾得拜江臯丹砂雅意成前約  
玩印連章避左曹事業畧曾隨手見死生應嘆有身勞

只今蛻迹西林去始得先生蚤退高

公自隆興歸南  
始參識於京口

### 闕題

天憐羈迹寄諸侯付與危欄早得秋相見便知懸榻意  
闕亡時得挾書遊山容老去蒼崖在水潦痕存淺碧收  
高我儒冠無用世不應更躡九華樓

天憐羈迹寄諸侯差近危欄付與秋風物捲簾都在眼  
湖山如畫恰當頭征鴻已作隨陽計社燕能為幾日留  
賴有楚天涼夜月二年相伴上焦樓

### 五言絕句

欽定四庫全書

山房集  
卷一

十六

### 皇帝閣春帖子

路寢朝元早條風應律初八荒躋壽域一札下寬書  
玉燭天時正金穰歲兆豐華封遙上祝聖德與天通  
禁籞希臨幸宵衣戒未明餘閒寓弘矢勸講只儒生

### 皇太后閣春帖子

遲日回蒼陸祥霏下慶霄靈椿儲壽嘏寶冊迨瓊瑤  
官梅猶注萼御柳漸垂絲太母如任姒深居寶儉慈  
內殿家人禮猩袍奉玉卮椒盤勤盥饋百世有孫支



阻風

野鷄塵掠起大舶勢方張客子雙篙弱回風得岸當

七言絕句

皇帝閣春帖子

曉漏催班拱至尊千官綺勝簇金幡紫皇恭儉憂民切

未祝椒盤祝獸樽

晉禮志正旦元會設白獸樽於殿庭能獻者發此樽飲酒

玉宇朝來變好春都傳塞上已和親中天日月無私照

萬國耕桑雨露均

欽定四庫全書

山房集  
卷一

十七

萬里長城漢有人羽書漸少捷書頻君王軫念春寒重

更解貂裘賜將臣

皇太后閣春帖子

三朝備福尊壽樂七秩脩齡古更稀問寢龍樓家法在

鷄鳴步輦過慈幃

當年三殿

當作合殿

瑤池會天仗將回樂未央獻歲東朝還

大內仙韶遲上萬年觴

濯龍宮館漏聲徐閒把黃庭味道腴侍女不持珠玉玩

爭傳文母幹衣圖

九日有菊

此花每歲須霜後素節今年置閨深流轉風光須好在

只愁人老鬢毛侵

咏梅

此君一日不可欠獨爾梅花動隔年更有晦冥風雨在

可能相見不依然

此花高是少人知步到喬林始見之老我怕風并怕雨

欽定四庫全書

山房集  
卷一

十八

一年過了又無詩

不是衝寒欲避春古來辭富不辭貧高之孤竹求仁輩

早是羊裘釣雪人

詩在溪橋興在人年來遶樹費追尋何人鍊得冰霜骨

調出孤山韶護音

過雪溪

晴溪帆卷艣聲柔兩岸青紅濕未收欲問三吳清絕處

碧瀾堂下採蓮舟

宿春谷

周璠為春谷  
長出備牛渚

獬兒總角交，孫策牛渚明。年得小喬避，迥英雄誰似此。  
向來州縣豈徒勞。

遊石湖

曉日瞳矓水霧開，自吹清管過湖來。闔閭城下青青草，  
又染裙腰上舞臺。

觀釣魚

湊餌驚跳去復迴，直疑芒粒是浮埃。江湖多少潛淵地，

欽定四庫全書

山房集  
卷一

十九

何事持身水面來。

南仲將至荷葉浦，舟人憂鼠竊不敢宿。浦下迨  
曉方渡，聞久無荷矣。

晴波綠淨渺如湖，認得荷花似子都。疑是天孫憎俗駕，  
急收雲錦長萑蒲。

過齊門友人居

藥欄園戶是鄰家，破板門開兩髻丫。瓦斛子中柑落盡，  
臘前尋訪白山茶。

過青陽齊丘舊隱

本應天寺  
改為微賢

舊學縱橫術已精，不妨高卧且辭榮。可憐三別秦淮路，  
不得終南處士名。

利盡漁民五季年，誰蠲丁口畝輸錢。不將公量收家邑，  
漫把微賢改應天。

贈上人

上人夢裏營詩思，比似看經僧更忙。包山寺裏秋晴後，

霜未濃時摘正香。

案此詩下  
二句脫粘

欽定四庫全書

山房集  
卷一

子

又贈上人

八十詩僧歲莫閒，又隨白浪上包山。青霜四面橙檠熟，  
獨步三門獨自還。

八十高僧不誦經，挑單又發洞庭程。包山雪裏三門上，  
吟就橙詩立又行。

橙摘青時最有香，包山架後兩番霜。上人夢裏營詩思，  
比似看經僧更忙。

酌第四橋水有懷陸羽



未必茶甌勝酒醒且將衰髮戴寒星太湖西與松江接  
不礙幽人第水經

### 橫山寺楞伽塔詩

白傳遊春得幾迴寺門還對海門開行人莫問

一作如今莫上

橫山塔曾見開皇混一來

姑蘇臺畔千年土斲作牛羊出沒行惟有江山懷故國

五湖猶遠越東城

吳越臺池大業城如今花鳥故時春思量却是楞伽塔

欽定四庫全書

山房集  
卷一

三

曾見蘇州六代人

### 寒食懷游誠之

清溪寒食水瀾漫憶在齊山約共觀便著窄衫鞭馬去

路傍驚訝是文官

十九日初程至青陽趙令尹遣妓出迎自至池

不赴樂飲至此望見令却之

慶元丁巳九月

飄泊寒城兩歲年巧粧那記紫微篇毛牆不用驚飛鳥

買藥韓休更可憐

### 重賦三高

著就農夫穀不收江湖著我繫虛舟漁樵拍手應相笑  
不得長鯨取次休

兒女呻吟歲又窮也應無語對西風向來一箸鱸魚意  
贏得寒亭四壁空

千金孰與此身多慚愧君王用已過乞得頭顱江海去  
一生辛苦幾漁簑

### 寄友人

欽定四庫全書

山房集  
卷一

三

生前何事苦收身身後浮名底樣榮只得太湖三萬頃  
與君亭下作真清

### 懷友人趙蹈中

水宿山行可煞勞山川應是怕才豪詩人只好遊湘水  
上却巴陵恐是騷

欽定四庫全書

山房集卷二

宋 周南 撰

詔勅

科舉詔

朕博延美才協濟興運若稽祖宗舉貢之日參用詞章經術之科惟嶽降神既已作興於多士豐水有芑猶能燕及於後昆今當三年大比之秋嘉與四海共繇斯路庶幾興賢論秀之遺意無愧登明選公之盛時其飭攸司申諭厥志

欽定四庫全書

山房集卷二

又

朕至公旁招急親為務惟祖宗選舉之制莫如進士之詳凡公卿輔佐之才悉由此塗而出蓋列聖陶成之素亦有司考覈之精仰成法之俱存諒淳風之可復適當大比思得真才其加申飭之嚴庸示網羅之廣夫懷忠信強學問待舉者之事抑浮華進器識考文者所先朕將論定後官爾其身勸為駕謹擇可者俾偕計吏而來

親策問之極陳當世之務布告中外其體至懷

告諭兩淮詔

勅兩淮百姓等比者戎馬倂擾邊陲繹騷賴將士邀擊其歸與邊城固守之力敵已亡逃出塞茲欲和親民用蕩析離居罔有定極痛念兩路生靈之衆加以百年積累之餘居者杼柚其空去者饑寒不保使爾動搖而破業為之惻怛而傷心朕既復公田以貸民出緡錢而續食諭告所抵之吏存問失業之人屬茲邊警之漸稀猶恐流庸之未復室廬未免毀壞鰥寡不能自存迨茲農事之方興尚憂種食之不備宜敷惠澤用拯瘡痍

欽定四庫全書

山房集卷二

戒諭諸將詔

朕惟敵據中原今踰六紀戴天履地其忍忘靖康未雪之讎嘗膽卧薪常恐負烈祖有為之託惟是寢兵之已久深知動衆之匪輕屬聞敵運之將衰加以干戈之內擾河南亢旱赤地無餘漢北連兵暴骨相屬遺黎轉徙襁負來歸爰念淪溺之民至於相率而請命故下綏懷

之詔實非得已而興戎朕既不能遏邊釁於未開之時未免列將屯而為不虞之備惟今疆場之多事正須將士之同心若平時情意之未孚則緩急犄角之何望咨爾三軍之統帥暨於列校之偏裨如廉藺之共濟艱難若李郭之相勉忠義各殫勇畧以赴功名或迎敵以前行或邀擊於後阨或附聯其疏罅或應援於往來務令聲勢之相依有如心手之相應并謀合力功必有成高爵厚祿朕所不吝

欽定四庫全書

山房集

三

成肅皇太后喪請御正殿批答不允詔

朕惟內殿問安之常見三宮席慶之盛茲念皇祖實貽後嗣之燕謀屏予一人尚有重闈之慈覆未報含飴之德方諧移御之歡不弔昊天降此大戾供寢門之色養為日幾何痛喪世之母儀於今盡矣朕以元孫而祇適思昭大孝於繼承躬墜室以執喪惇然在疚莅法官而親事非所忍聞所陳宜不允

第二批答不允詔

朕遵謨烈之訓於阜陵殫怡愉之奉於長信謂物本乎天而人本乎祖視保佑而則同故養致其敬而喪盡其哀於聽修而未暇比勤忱請嘗諭至懷方勉盡於追悃忍亟聞於他務非不知日有萬幾之事與匹夫之孝不同然遽忘母育三朝之恩亦行道之人弗忍矧仰成於衡弼相與協謀若親政於決旬不幾太速所陳宜不允

秦檜降爵易謚勅

欽定四庫全書

山房集

四

誅姦雄於既往罰雖逭於生前申勸戒於將來罪難逃於身後蓋人心之積憤豈天網之終疎九變而賞罰可言雖閱時之已久百世之子孫莫改庶清議之猶存具官秦某在政和間為中執法方軍前之抗議其言幾類於程嬰及塞上之還歸此節何如於蘇武惟我高廟過夏少康排衆論而授宰衡如中流之遇維楫謂其間闕萬里或能為國報仇豈期首尾兩端反欲與寇為地既潛交於境外卒墮敵之術中兵於五材誰能去之首弛邊疆之備臣無二心天之制也忍忘君父之仇洎姦計